

onere servitutis. Super quibus pactionum clausulis supradicta universitas regium sive nostrum adhiberi consensum humiliter postulabat. Nos igitur eiusdem universitatis precibus inclinati, receptionem de ipsis mercatoribus in concives factam ratam haberi decrevimus atque gratam ac eandem receptionem auctoritate regia roboramus, per sollempnem stipulationem firmiter promittentes, quatinus antedictos cum domo et omni eorum familia hiis litteris regie gracie vindicatos et oppidi de Ezzelingen civilegio¹ fideliter aggregatos in omni sua iusticia foveamus. Nec prorsus eisdem ultra ex[to]rsionem^a predicti precii noceamus, sed potius ipsos iuxta pacta civium in Ezzelingen in omnem eventum postposita quavis malicia defendamus. Ut autem bona fides in proposito perpendatur, astringi volumus sub presenti testimonio scripturarum, ut nunquam antedictos mercatores ab oppido Ezzelingen invitos propter causam vel occasionem aliquam expellamus, quam diu in eodem loco voluerint iuxta pacta nobiscum et cum eiusdem loci civibus inita permanere, et exhabundanti mercatoribus prenarratis volumus esse salvum, quod ipsis recedere liceat quandocunque voluerint prenotato. Quibus inquam recedentibus et ad alium locum transeuntibus conductum et viarum securitatem prestabimus iuxta cunctas nostras vires omni fraude atque dolo penitus retroiectis. Nichilominus per sollempnem recognitionis confessionem dicimus et firmamus, quod antedicti mercatores de omni precario seu servicio usque ad festum sancti Iacobi nunc venturum et abhinc per unum annum proximum debito nobis satisfecerant integraliter et complete. In quorum omnium evidenciam presens instrumentum nostri sigilli munimine fecimus communiri.

Dat. Ezzelingen, anno Domini MCCCIX, XVII. Kal. Iulii.

2. Biblioteca Nazionale.

In Codex II, IV, 312, olim Magliabech. XXV, 341 (Gaddi) fand sich innerhalb eines Briefstellers mit dem Titel 'Rosa novella super arte dictaminis composita per dominum Petrum de Boacteriis', den Mazzatinti 'Inventario' II, 213 beschreibt und von dem schon Bethmann 'Archiv' XII, 733 Auszüge gab, ein noch unbekanntes Schreiben Rudolfs an Lucca mit der Antwort der Stadt

a) Das eingeklammerte undeutlich Or.

1) Vgl. Urkb. d. St. Esslingen I, 32 Z. 28.